

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Disputatio XIII. De conscientia scrupulosa.

---

[urn:nbn:de:hbz:466:1-74152](#)

18. Inferes undecimò. Sacerdotem ordinatum ab Episcopo incognito, de quo dubitatur, an sit Episcopus, iterum esse ordinandum. per c. presbyteris. disp. 68. Dubitantem de baptismo non priu ordinandum esse, quam sit iterum sub conditione baptizatus, per c. veniens, de presbytero non baptizato. Ecclesiam esse consecrandam, de qua dubitatur, an sit consecrata, per c. solennitates, de consecrat. d. 1. quia dubia de baptismo, ordinatione, consecratione sunt dubia facti, quæ non præsumuntur, donec probentur: præter alia pericula, & inconvenientia, quæ sequerentur ex nullitate Baptismi, Ordinis &c.
19. Inferes duodecimò. Dubita invincibiliter de impedimento matrimonii sine dispensatione posse contrahere matrimonium, quamquam melius, & in futurum cautiùs faciet, si pro meliori esse dispensativam declarationem petat. Utterque Sanch. & Cæsaugust. disp. 119. dub. 10. Prohibitio quippe contrahendi fundatur super impedimentoum, quod non præsumuntur, donec probetur, ac proinde contrahens est in possessione sua libertatis. Dubitantem verò de morte conjugis prioris, nec licite contrahere, nec durante tali dubio invincibili licite posse petere debitum, per c. dominus de secund. nupt. quia cùm mors conjugis sit aliquid facti, non præsumuntur, donec probetur, ideoque contrahens nunquam constituitur possessor bona fidei. Permititur tamen reddere debitum, quia cùm alter conjugum sit in bona fide [ut supponitur] non est iure fraudandus: Quamdiu verò unus conjugum non est bona fidei possessor, vel quia cum vincibili dubio impedimenti contraxit, vel dubium durante matrimonio exortum vincere negatur, prohibetur à petendo debito, per c. inquisitione sent. excomm. nam possessor dubitanus vincibiliter, quamvis possit rem retenire, quousque verum investigaverit, aut dubium ex vincibili invincibile effectum fuerit, tamen illa activè ei, eamve alienare non potest: atqui petens debum activè utitur matrimonio: ergo durante dubio, debitum conjugale exigere non potest. Ita redditio verò debiti cùm sit quasi usus publicus servitus, idcirco compartem in bona fide constitutam illà fraudare non potest. Quid si etiam peti posse debitum, cùm possessor bona fidei non sit privandus usu activo rei possedit, etum est supra.

## DISPUTATIO XIII.

### Conscientia scrupulosa.

**Q**uamvis Conscientia scrupulosa non constituat speciem conscientiae essentialiter ab aliis distinctam, sed solum accidentaliter, ideoque ad alias Conscientiae species juxta suprà dicta, facile revocari possit, quia tamen timoratis etiam piissime animibus, nec non earum Curatoribus & Confessariis crebro multum facessit negotii, tricas & crucis accumulat, operæ pretium censui de scrupulorum causis & remedis ex probatis Authoribus aliqua specialius tractare. Sit igitur

#### ARTICULUS I.

##### Quid sint, & unde proveniant scrupuli?

###### SUMMARIUM.

1. Quid sit scrupulus?
2. Scrupuli differentia à dubio.
3. Scrupuli differentia à scientia & fide.
4. Potest scrupulus consistere cum conscientia certa & probabili.
5. Scrupulus tam de præteritis est, quam futuris.
6. Indicia, è quibus cognoscitur scrupulosus.
7. Radices scrupulorum ex parte anima.
8. Et ex parte corporis.
9. Causæ extrinsecæ scrupulorum.

###### §. I.

###### Quid sit Conscientia scrupulosa?

**P**rimò: Scrupulus à quo Conscientia scrupulosa denominatio, est quædam inanis ex leví vel nullo fundamento orta suspicio, quæ cum animi anxietate timetur, vel creditur alicubi subesse peccatum, ubi nullum subest. Unde duo sunt, quæ ad rationem scrupuli pertinent: primò, ut sit quædam saltem suspicio apprehensiva peccati, vel periculi ipsius, quæ in voluntate ge-

nerat anxietatem. Secundò: ut sit ex leví, vel nullo fundamento; si enim sit ex rationabilis fundamento, constituer verum dubium. Inchoativè scrupulus est in apprehensione peccati exlevi, vel nulla ratione; complècte & formaliter in judicio, assensu & actuali credulitate peccati, que illam apprehensionem configuratur, unde animi anxietas & perplexitas generatur.

Differit igitur primò scrupulus à dubio propriè sumpto, quia hoc relinquit animum suspicere ab assensu utriusque partis; scrupulus verò potest consistere cum duplice assensu, uno practico, quo per conscientiam certam judicat aliquid esse licitum; altero speculativo, quo sine rationabili fundamento ex parte judicii speculativi leviter credit & timeret se peccare. E.g. Clericus infirmus format conscientiam practice certam, quod licite omittat recitationem Breviarit, quia Confessarius & Medicus ita judicant, & ipse licet sequitur eorum consilium, idque sui privatæ opinioni præfert. Nihilominus patitur anxietas

tatem, eò quod ex parte judicij speculativi sine sufficienti fundamento existimat infirmitatem non esse tantam, ut excusat à recitatione breviori.

3. Differt secundò à scientia, opinione, & fide. Scientia quidem, quia hæc nitor evidenteribus fundamentis, & excludit omnem formidinem oppositi. Ab opinione; tum quia ista semper habet coniunctum assensum, scrupulus vero aliquando in sola apprehensione confitit; tum quia opinio non necessariò infert animi anxietatem & perplexitatem. Similiter differt à fide, quia hæc semper habet determinatum assensum, nec de se afferat animi perturbationem.

4. Hinc Colliges primò. Posse scrupulum considerare cum conscientia certa & probabili; nam potest quis formare Conscientiam practicè certam de honestate operationis, quamvis ex parte judicij speculativi tantum habeat opinionem cum formidine oppositi, ut seq. Disput. latius expendemus: ergo pariter potest formari judicium practicum & conscientia certa de honestate operationis, ut tamen in judicio speculativo maneat non tantum formido, sed etiam anxietas de honestate ipsius ex levi vel nulla ratione, quod est scrupulus.

5. Colliges secundò. Scrupulum aliquando esse de præterito, aliquando de peccato futuro. De præterito, ut si absque alicuius ponderis ratione dubitas, an conscientis tentatio? an fueris voluntarie distractus? an absolveris horas Canonicas &c. De futuro, ut si similiter dubites, vel existimes, te esse obligatum ad repeatendam aliquam Horam, ad confessionem alicuius peccati, quod nullum est, ad reiterandam confessionem, ad omittendam S. Communionem &c.

6. Colliges tertio. Quibus indicis cognosci possit, an aliquis sit scrupulosus? Generalis itaque modus cognoscendi scrupulosum, est, si Pater spiritualis deprehendat aliquid in una, vel pluribus materiis, cerebro sine aliqua rationabilis causa suspicari se peccare, vel peccasse, ubi nullum subest peccatum. Quibus plura addit Josephus Rosell in præclaro libello de praxi depoñendi Conscientiam c. 11, si quem videat de rebus notis, facilibus, planis & indubitate frequenter dubitare. Si post responsum à Viro docto & prudente acceptum, nequum sit animo compotito & quieto. Si extraordinaria cautela, motibus, modis, & gestibus ridiculis peccata & imperfectiones etiam leves fugiat: e. g. concutiendo caput, suspirando & cœlum aspiciendo, frontem sepe signando &c. si, quæ ante non habebat pro peccatis, modo habere incipiat; si occurrente alicuius præcepti executione, v. g. recitatione Horarum, administratione Sacramentorum, ita patiatur se perturbari anxietatibus, ut penè red-

datur ineptus, vel amenti similis: si actiones exequendas ob instantem scrupulum modò intermitat, modò resumat &c. si peccata jam antè per solutionem remissa, identidem in confessionibus repeatat, quasi antehac non satis expulser, vel insufficientem dolorem eliciisset &c.

### §. II.

#### Quæ cause & radices scrupulorum?

Causæ seu radices scrupulorum aliæ sunt intrinsecæ, aliæ extrinsecæ. Intrinsecæ rursum vel sunt ex parte animæ, vel corporis. Ex parte animæ solet esse primo cervicosa quædam superbia, & proprii judicij tenacitas, nolentis alienis monitis & prudentiū consilii acquiescece; quamdiu enim abest ejusmodi pertinacia, facilis est remedio locus, & conscientia magis erit timorata, quam scrupulosa. Est secundò immoderatus amor sui, quo quis moventur, ut cum nimia perturbatione adhibeat cautelam fugiendi quacunque peccata metu pœna pro illis in altera vita solvenda. Unde contingere solet homini scrupuloſo, quod alicui vertigine laboranti, qui per alta loca incedens, quanto magis aspicit & apprehendit altitudinem, tanto magis auget vertiginem: ita quippe scrupulosus ex nimia sollicitudine evitandi peccata venialia, vel expandi commissa, tanto magis auget scrupulosam sollicitudinem & anxietatem. Est tertio ignorantia intellectus neſcientis distinguere inter judicium practicum & speculativum, inter tentationem & confessum, inter gravem & levem culpam, vel obligationem legis.

Ex parte corporis est in primis complexio melancholica in timiditatem & suspiciones proclivis. Item corruptio seu infelix humorum in anteriore parte cerebri, ubi vis imaginativa residet. Inde fit, ut homo imaginationibus obnoxios, & ad sinistra vergens, sape pro malis apprehendat, quæ talia non sunt.

Causæ extrinsecæ sunt primò. DEUS ipse, volens vel tepidos stimulare ad perfectionem, vel servidos amplius probare & expurgare. Secundò tentatio dæmonis scrupulos immittentis & exaggerantis, ut hominem à multis bonis impedit, ipsi tedium virtutis ingeneret, adgit ad desperationem. Tertiò. Conversatio & familiaritas cum scrupulosis, sumuntur enim à conversantibus mores, & animus sociis mala sua afficit. Item lectio Authorum præcepta DEI & Ecclesiæ omnia in severiore partem interpretantium, reliquo benigniori sensu & epikia, quo etiam pertinet usus Confessarii & Directoris scrupulosi, qui cum ipse ex hoc morbo labore, difficile ab illo liberabit pœnitentem, & audier illud antiquum: Medice cura te ipsum.

### ARTICULUS II.

#### De remediosis scrupulorum.

##### SUMMARIA.

1. Primum remedium generale scrupulorum, o-  
ratio.
2. Secundum, obsequi consilii prudentiū.

3. Tertium, rejicere scrupulum in primis initio.
4. Quarum, credere, quod debeat contra scrupu-  
lum sequi sententiam minus tutam, aut pro-  
babilem.

R 3

5. Quin-

5. *Quintum. In dubio, an aliquid sit scrupulus vel dubium, presumere, quod tantum sit scrupulus.*
6. *Sextum. Meditatio objectorum consolationem & fiduciam afferentium.*
7. *Septimum. Cogitare, quid ipse alii in simili confusione daret?*
8. *Observanda ex parte Confessarii.*
9. *Remedia pro anxiis de consensu dato in tentationes.*
10. *Remedia pro anxiis, an ritè fuerint peccata confessi?*
11. *Remedia pro anxiis de recitatione Horarum Canoniarum, & prolatione forma sacramentalis.*
12. *Sentiendum de Domino in bonitate.*

## §. I.

*Generalia remedia scrupulorum.*

- R**emedia scrupulorum alia sunt ex parte ipsius scrupuloso, alia ex parte Confessarii, seu directoris. Ex parte scrupuloso primò remedium generale est, adhibere suam, aliorumque orationem, quod remedium fuggit *Iac. c. 1.* Si quis indiger sapientiā, postulet a Dō, qui dat omnibus afflueret, & non improverat, & dabitur ei. Et Rex Josaphat 2, Paralip. c. 20. sic orans: *Cum ignoremus, quid agere debeamus, hoc habemus solum residui, ut oculos nostros dirigamus ad te.* 2. Alterum generali scrupulorum radici oppositum est submittere suum iudicium prudentem & bonorum virorum consilio ad directioni, & credere firmiter, fieri non posse, ut curetur à scrupulis, nisi parendo consilii confessarii. Cum enim scrupulus procedere soleat ex levibus fundamētis, & vehementi imaginatione, & scrupulosum conjiciat in periculum corporis & animae; ideo dummodo pars opposita sit probabilis, debet illam scrupulosum tanquam probabiliorem & tuitiorem amplecti, neque peccabit, tametsi à parte rei contingenter sententiam esse falsam: cum opinio, que ex se est minus probabilis, in concurso scrupuli, sive respectu scrupuloso propter pericula scrupuloso emergentia sit securior & probabilior. Cum igitur probi & docti viri, vel confessarii consilium jam faciat sententiam probabilem respectu scrupuloso, ideo si moneat agere oppositionem illius, quod scrupulus dictat, potius confessario, quam scrupulo est obsequendum, & sive scrupulosus operetur deposito scrupulo, sive agat contra scrupulum, semper licet operabitur, cum non obstante scrupulo ex parte iudicij speculativi habeat conscientiam prædictè certam, sibi hic & nunc licitum esse contra scrupulum operari. E.g. scrupulus tibi dictat, non posse te accedere sacram Communionem, nisi prius repetita confessione, in qua putas, vel dubiras, te aliquod peccatum, vel circumstantiam omisisse, Confessarius vero te jubet etiam non repetita confessione Sacramentum accedere, obsequi debet confessario, credendo, licitam tibi esse S. Communionem, quidquid scrupulus contraria obmurmureret, quod adeo verum est, ut homo vehementer scrupulus agitus licet sequatur contraria opinionem Confessarii, tametsi putet, se posse jurare, quod v. g. aliquod peccatum non sit confessus, quod con-

fenserit &c. Ita Navarr. Rodrig. Bossi, Rossell, aliquique, qui etiam recte monent, scrupulorum postquam à Confessario, vel alio viro docto & prudente consilium accepit, non debet vago discursu plurium consilia expetere; id quippe magis augendis, quam minuendis anxietatibus delerviret.

Tertium est. Scrupulo pulsanti in primis, iūcis adiutoria occludere, cogitationem ad alia & causas, unde scrupulus generatur, divertendo,

Quartum est, ut firmiter sibi persuadeat, se potius sententiam probabilem, etiam minus tutam & probabilem deposito scrupulo, vel contra scrupulum sequi, tametsi contraria argumenta Doctores non possint solvere. Siquidem sententia ex se minus tutam & probabilis, respectu scrupuloi fit tutior, & probabilior.

Quintum est. In dubio, an aliquid sit scrupulus, vel verum dubium, possit scrupulorum presumere & judicare, quod sit merus scrupulus, eumque deponere, cum hoc opinandi sufficiens sit fundamentum, quod sciat, esse scrupulorum. Imò quoties advertit scrupulorum, potest certe agere contra illum. E.g. scrupulus dicit, repetandam esse horam Canonicas, quod fuit voluntariè distractus; noli repeter: scrupulus jubet repeter confessionem, ed quod aliquam circumstantiam omiseris, noli repeter, &c.

Sextum est. De gloria celesti, de bonitate Divina, deque aliis, quae ad spem erigendam, animique tranquillitatem conducunt, colloqui & meditari, prætermis, quæ terror, metusque ingerunt, quemadmodum etiam vitanda est cum scrupuloso conversatio.

Septimum pro viris doctis est, ut cogitent, quid consilii alii hominibus sele accedentibus simili casu darent, frequenter enim contingat, quia alios clementes & lenes, sibiipsis nimis esse rigidos.

Ulterius ex parte Confessarii observandum, ut & curet præmemorata remedia à scrupulo in præxī deduci. Ideo ostendat ipsi obligationem deponendi scrupulos & obediendi Confessario ob graviā damna, quæ ipsi è scrupuloso eveniunt. Sit resolutus & cordatus in confutendo, alias quippe pœnitentes etiam in deponendis scrupulis vacillabit. Dubia scrupuloso explicit in benigniore partem, ejusque creditat quantuvius leuem de non commisso peccato &c, pro certitudine accipiat; siquidem contra scrupulum, ex inani imaginatione omnia in maius attollent, stat præsumptio. Ideo si scrupuloso ambigit, an aliquod peccatum committerit, vel confessio sit, eundem ab ulteriori examine & investigacione dehortetur: nec permittat ejusmodi dubia peccata confiteri.

Insuper suadeat verè scrupuloso, ne credat, si peccasse, vel aliquod peccatum esse mortale, nisi de hoc tam sit certus, ut jurare possit. Imò si nimis foret scrupuloso absorptus, tametsi est preparatus jurare de commisso peccato, tamen non debet ipsi credi, neque ejusmodi peccatorum confessio permitti, cum experientia confiteat, tantum esse istorum hominum obtinacionem, ut etiam jurare sit parati, dummodo permittatur ipsi

ipis reiteratio confessionis, uti tradit Bosius p. 3.  
tit. 1. §. 54. & Joa. Sanch. disp. 41. n. 24.

Non permittatur multum loqui de suis scrupulis, & si consilii causa aperire velit, Confessorius illos pro nugis & ineptis habeat, & abstinat sermonem. Et ne identidem a recurso scrupuloso molestiam patietur, praescribat ipsi regulas, secundum quas possit se expedire ab occurrentibus scrupulis. Si pro materia confessionis nil nisi scrupulos afferat, sine absolutione mittatur ad S. Communionem. Denique Confessorius cum omni patientia scrupulorum tractet, neque de ipso desperet, pro conditione tamen subjecti, modò asperiori, modò leniori utatur modo, ut que tanto sit efficacior in persuadendo, periculum scrupuloso in se recipiat, & promittat pro ipsorepondere in extremo iudicio.

Sed quid si scrupulos fallatur in obsequendo consilii Confessoris, & verè omisit Horam Canonica, non expresterit in confessione peccatum, consenserit &c. peccabitne pœnitens? Peccabit enim verò materialiter, non formaliter, cum status scrupulosisatis, & prudens judicium confessorii sufficientem, imò majorem faciant probabilitatem practicam, ex qua practicè certum iudicium format, sibi hīc & nunc sequendam esse sententiam Confessoris.

## §. II.

### Remedia pro scrupulosis in particulari.

**¶** **S**icut igitur primò, qui graves animi anxieties patiuntur, ex dubitatione, an alicui tentationi v.g. blasphemia, impudicitia &c. consensum dederint, qui si sunt conscientia timorata [non enim est sermo de hominibus laxa vite, qui palam impuris voluptatibus ex consuetudine se inquianter, & in proximas peccandi occasionses conjiciunt, qui si dubitant, an consenserint, propter malam consuetudinem meritò pro se possum presumere] pro se debent presumere, & judicare, quod non consenserint. Cujus signum evidens est horror & displicentia, quam habent de eismodi tentationibus & peccatis; siquidem & Christus D. S. Theresia [ut refert Josephus Roselli cit.] revelavit, horrorem peccati, quem quis habet, esse signum charitatis peccatum excludentis. Cum igitur scrupulos etiam umbras peccati sollicitè abhorreat, quis credat, eos tentatione facilè consenserint? Secundò: Si sapienter soleat propostum, nunquam DEUM graviter offendit, eiisque in omnibus placendi. Tertiò: Si ex interna tentatione non processit in actum externum, cum è consensu interno faciliter sit via etiam ad actum externum.

**10.** Secundò: Plurimi patiuntur scrupulos, quod nunquam recte & integrè fuerint confessi, quod numerum aut circumstantias peccatorum non debet expresterint, quod requiritum de peccatis dolorem, aut efficax propositum emendationis non elicerint: ideo imaginantur, priores confessiones fuisse invalidas, easque identidem volunt repetere, aut generalem confessionem de tota vita instituere, unde novo scrupulorum labyrintho se intranciant. Audiant isti Ludovicum Granatensem monentem: Confessio Sacramentalis non

fuit instituta ad injiciendos conscientia laqueos, sed ad eam pacandam, & lepeliendam peccata moraliter diligenter manifestata, & scrupulos inde ortos. Postquam igitur scrupulosus sua peccata cum morali diligenter fuit confessus, debet juxta prudentis Confessorii iudicium acquiescere, neque permitendum est peccata jam exposta denudo repeteret, aut Confessionem generalem instituire, sed neque nimis exacta diligenter in peccata inquirere, multò minus, an priores Confessiones fuerint validæ, debet examinare. Sciat quoque ad percipiendam de peccatis absolusionem non esse necessariam contritionem, sed sufficere attritionem, quæ facili negotio obtineri potest: nec requiri necessariò explicitum & formale proposatum non peccandi de cetero; sed sufficere virtutem & implicitum, quod in efficaci dolore imbibitur.

Tertiò: Multi vexantur scrupulis in recitatione Officio Canonico, aut proferenda forma Sacramentorum, vel quod existimant se debitè intentione, aut attentione caruisse, vel verba non integrè pronunciare &c. ideo inani studio de novo recitate, & pronuntiare incipiunt, & nullum quasi repetendi finem faciunt.

Isti quoque consilium docti & prudentis viri, quæ ipsis ostendat, quid ad implendum præceptum sufficiat, pro regula habeant. Non credant, se aliquid omisile, quamvis omnimodam certitudinem non habeant de aliqua hora, aut psalmo recitato, dummodo alias confuetudinem habeant Horas integrè recitandi.

Sint contenti intentione virtuali, vel exercitâ, qualis illa est, dum librum breviarii in manus accipiunt, & incepturi cruce se signant, sintque in ea dispositione, ut interrogati, quid hic & nunc agere vellent: responsum darent, velle se obligationi recitandi breviarii satisfacere. Neque mentis evaginations & distractio[n]es graviter nocere existimant nisi cum plena advertentia, & data opera mentem ad alia diverterint.

Denique universim scrupulos & de sua salute **12.** anxi animi sapientia applicant ad recogitandam infinitam DEI bonitatem & amabilitatem, qui non vult mortem peccatoris, nec deleatur in ejus perditione. Sentiant de Domino in bonitate, & audiant Christi invitantis vocem: Venite ad me omnes, qui laboratis & onerati esitis, & ego reficiam vos. Matth. 11. Sanè ad omnem anxietatem deplendam sufficere poterit immensa DEI misericordia, & pietatis recognitio, prout devotè expendit Venerabilis, noster Bosius de consolat. p. 51. c. 17. §. 2. Nulla, inquit, meroris magnitudo, nulla angustiarum acerbitas, nulla defectuum multitudine, nulla scelerum enormitas, nulla peccatorum turpitudine ad desperationem, nimiamq[ue] pusilliaria mitatem adducat. Quantumcumque peccaveris, semper DEI misericordia in infinitum tuas inquietates excedit, quantumcumque infirmus sis, semper illius benignitas parata est adjuvare tuam fragilitatem. Et §. 3. Quantumvis magni peccatores & imperfeci homines simus, quare non cum humili & plena fiducia ad DEUM convertimur, qui est abyssus inexhausta pietatis, cuius natura bonitas, cuius proprium est semper misereri & parcere?

DISPU-